

CENTRALNA BANKA
BOSNE I HERCEGOVINE
Broj: 150-15-4-1337-11 /19 TT
Sarajevo, 05 juli 2019. godine

Na osnovu člana 70. stav (1) i (3), člana 72. stav (3) tačka a) i c) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3), člana 43. stav (1) i člana 45. stav (1) Pravilnika o javnim nabavkama Centralne banke Bosne i Hercegovine, broj: UV-122-01-1-11/18 RJ od 30.01.2018. godine, guverner Centralne banke Bosne i Hercegovine, donosi

O D L U K U

o izboru najpovoljnijeg ponuđača u postupku javne nabavke usluga dizajna i DTP pripreme za štampu redovnih publikacija Centralne banke Bosne i Hercegovine – LOT 1

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku usluga dizajna i DTP pripreme za štampu redovnih publikacija Centralne banke Bosne i Hercegovine, na period od jedne (1) godine putem otvorenog postupka, dodjeljuje ponuđaču VISIA d.o.o Istočno Sarajevo, u svemu prema Ponudi broj: 48-05/19 od 10. maja 2019. godine i izvještaju o toku i završetku e-aukcije.

Član 2.

Prema izvještaju o toku i završetku e-aukcije, Ponuda ponuđača iz člana 1. ove odluke, glasi na iznos od:

10.000,00 KM bez uračunatog PDV-a
(slovima: deset hiljada i 00/100 konvertibilnih maraka)

odnosno

11.700,00 KM sa uračunatim PDV-om
(slovima: jedanaest hiljadasedamstotina i 00/100 konvertibilnih maraka)

Član 3.

Ovom odlukom stavlja se van snage Odluka o izboru najpovoljnijeg ponuđača u postupku javne nabavke usluga dizajna i DTP pripreme za štampu redovnih publikacija Centralne banke Bosne i Hercegovine – LOT 1, broj: 150-15-4-1337-7/19 TT od 6. juna 2019. godine.

Član 4.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti ugovor, za čije se izvršenje zadužuje Odjeljenje za statistiku i publikacije Centralnog ureda Centralne banke Bosne i Hercegovine (u daljem tekstu: Odjeljenje za statistiku i publikacije).

Član 5.

Za realizaciju ove odluke zadužuju se Odjeljenje za statistiku i publikacije, Odjeljenje za javne nabavke i Odjeljenje za računovodstvo i finansije Centralnog ureda Centralne banke Bosne i Hercegovine.

Član 6.

Ova odluka će se objaviti na web stranici Centralne banke Bosne i Hercegovine, www.cbbh.ba, istovremeno sa upućivanjem obavještenja o rezultatima postupka ponuđačima koji su sudjelovali u postupku javne nabavke, u skladu sa članom 70. stav 6. Zakona o javnim nabavkama ("Službeni glasnik BiH", broj 39/14).

O b r a z l o ž e n j e

Postupak javne nabavke usluga dizajna, DTP pripreme i štampanja redovnih publikacija Centralne banke Bosne i Hercegovine, putem otvorenog postupka, pokrenut je Odlukom o pokretanju postupka, broj: 150-15-4-1337-2/19 SAK od 26. aprila 2019. godine. U skladu s tim, Centralna banka je 30. aprila 2019. godine na portalu Javnih nabavki objavila Obavještenje o nabavci broj: 1370-1-2-270-3-133/19.

U roku određenom za prijem ponuda, odnosno do 16. maja 2019. godine, za LOT 1 – nabavku usluga dizajna i DTP pripreme za štampu redovnih publikacija Centralne banke Bosne i Hercegovine, dostavljene su ponude sljedećih ponuđača:

1. MINT d.o.o. Banja Luka, Vase Pelagića 2, 78000 Banja Luka,
2. GRAFIČAR d.o.o., Plješevića 20, 77204 Bihać,
3. GRAFIČAR s.p. Doboj, Kralja Aleksandra 60, 74000 Doboj,
4. ŠTAMPARIJA FOJNICA d.d., Prokoški put bb, 71270 Fojnica,
5. VISIA d.o.o., Spasovdanska 17C, 71123 Istočno Sarajevo i
6. PRAG d.o.o., Džemala Bijedića 129/12, 71000 Sarajevo.

Komisija nadležna za provođenje postupka javne nabavke (u daljem tekstu: Komisija) je nakon izvršenog pregleda i ocjene ponuda konstatovala sljedeće:

Pristigla ponuda ponuđača GRAFIČAR s.p. DOBOJ je neprihvatljiva iz razloga što ponuđač nije dokazao da ispunjava uslove za tehničku i profesionalnu sposobnost ponuđača. Ponuđač u svojoj ponudi nije dostavio potvrdu kojom dokazuje uspješno iskustvo u realizaciji najmanje jednog ugovora koji je za predmet imao usluge dizajna i DTP pripreme za štampu publikacija, kako je traženo Tenderskom dokumentacijom u predmetnom postupku.

Pristigle ponude ponuđača: MINT d.o.o., GRAFIČAR d.o.o., ŠTAMPARIJA FOJNICA d.d., VISIA d.o.o. i PRAG d.o.o. zadovoljavaju sve uslove tražene tenderskom dokumentacijom, te je shodno tome Komisija zakazala e-aukciju za dan 23. maj 2019. godine u 14:15 sati, u trajanju od 10 minuta.

U skladu sa kriterijem najniža cijena i Izvještajem o toku i završetku e – aukcije, Komisija je u svom Zapisniku o pregledu i ocjeni ponuda broj: 149-15-4-1425-13/19 od 03. juna 2019. godine i Izvještaju o radu Komisije sa preporukom, broj 149-15-4-1425-14/19 od 03. juna 2019. godine, dala preporuku za dodjelu ugovora ponuđaču PRAG d.o.o. Sarajevo.

U skladu sa preporukom komisije, Centralna banka je 6. juna 2019. godine donijela Odluku o izboru najpovoljnijeg ponuđača u postupku javne nabavke usluga dizajna i DTP pripreme za štampu redovnih publikacija Centralne banke Bosne i Hercegovine – LOT 1, broj: 150-15-4-1337-7/19 TT, istovremeno sa upućivanjem Obavještenja o rezultatima postupka javne nabavke, broj: 150-15-4-1337-8/19 TT, ponuđačima koji su učestvovali u postupku.

Izabrani ponuđač PRAG d.o.o. Sarajevo, u skladu sa uslovima određenim u tenderskoj dokumentaciji i navodima u tekstu obavještenja, je propustio da dostavi dokaze o ispunjavanju uslova o ličnoj

sposobnosti ponuđača iz člana 45. Zakona o javnim nabavkama, u roku koji je odredio ugovorni organ. U skladu sa članom 72. stav (3) tačka a) Zakona o javnim nabavkama Centralna banka je ugovor ponudila drugorangiranom ponuđaču ŠTAMPARIJA FOJNICA d.d. Fojnica. Navedeni ponuđač je dopisom obavijestio Centralnu banku da odustaje od ponude u predmetnom postupku.

Centralna banka je u skladu sa članom 72. stav (3) tačka c) Zakona o javnim nabavkama ugovor ponudila trećerangiranom ponuđaču MINT d.o.o. Banja Luka koji je dopisom obavijestio Centralnu banku da nije zainteresovan za potpisivanje ugovora.

U skladu sa prethodno navedenim članom uvodno citiranog zakona, Centralna banka ugovor za nabavku usluge dizajna i DTP pripreme za štampu redovnih publikacija Centralne banke Bosne i Hercegovine dodjeljuje ponuđaču VISIA d.o.o. Istočno Sarajevo, četvrtorangiranom ponuđaču u predmetnom postupku.

Uzimajući u obzir naprijed navedeno, odlučeno je kao u dispozitivu ove odluke.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.

GUVERNER



dr Senad Softić

Dostaviti:

- guverneru
- viceguvernerima
- uredu glavnog internog revizora
- sekretaru Uprave i Upravnog vijeća
- predsjedniku i članovima komisije
- Odjeljenju za statistiku i publikacije
- Odjeljenju za računovodstvo i finansije (original)
- Odjeljenju za javne nabavke (original)
- u spis predmeta (original)

A handwritten signature in blue ink, appearing to be 'Ja', located at the bottom right of the page.

A handwritten signature in blue ink, appearing to be 'Jun', located at the bottom center of the page.

A small handwritten mark in blue ink, consisting of two short horizontal lines, located at the bottom left of the page.